

JP NIO SLUŽBENI LIST BiH
S A R A J E V O

Broj: 5-1-05-1-343/16-18
Sarajevo, 23.01.2019. godine

Na osnovu čl. 64. stav 1. tačka b) i čl. 70. st. 1.,3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke o izboru najpovoljnijeg ponuđača, broj: 5-1-05-1-343/15-18 od 23.01.2019. godine u postupku nabavke obrazaca matičnih knjiga, obrazaca izvoda iz matičnih knjiga, uvjerenja o državljanstvu i vjenčanih listova, direktor je donio:

O D L U K U
o izboru najpovoljnijeg ponuđača

I

Prihvata se Prijedlog Komisije za javne nabavke o izboru najpovoljnijeg ponuđača, 5-1-05-1-343/15-18 od 23.01.2019. godine i ugovor za javnu nabavku obrazaca matičnih knjiga, obrazaca izvoda iz matičnih knjiga, uvjerenja o državljanstvu i vjenčanih listova dodjeljuje se ponuđaču GRAFOTISAK d.o.o. Grude, za ponuđenu cijenu od 1.095.200,00 KM bez PDV-a, kao najbolje ocijenjenom ponuđaču.

II

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ova odluka će se objaviti na web stranici www.sluzbenilist.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

V

Izabrani ponuđač je dužan da u roku od 5 (pet) dana od dana prijema ove odluke dostavi dokumente iz člana 45. stav (2) Zakona o javnim nabavkama BiH.

OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku obrazaca matičnih knjiga, obrazaca izvoda iz matičnih knjiga, uvjerenja o državljanstvu i vjenčanih listova proveo otvoreni postupak nabavke.

Obavještenje o nabavci broj: 195-1-1-69-3-15/18 objavljeno je na Portalu javnih nabavki dana 06.11.2018. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 21.12.2018. godine konstatovala su u roku pristigle slijedeće ponude:

1. Ponuda ponuđača „GRAFOTISAK“ d.o.o. Grude, broj protokola: 5-1-05-1-343/10-18, dostavljena 21.12.2018. godine u 11.00 sati.
2. Ponuda ponuđača „BLIC DRUK“ d.o.o. Sarajevo, broj protokola: 5-1-05-1-343/11-18, dostavljena 21.12.2018. godine u 11.10 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-343/14-18 od 23.01.2019. godine utvrdila da su ponude formalno prihvatljive za ugovorni organ.

Daljom analizom, Komisija je utvrdila da ponuda ponuđača „BLIC DRUK“ d.o.o. Sarajevo nije prihvatljiva iz slijedećih razloga:

Ponuđač je dostavio referenc listu u kojoj je naveo vrstu poslova, prema predmetu i vrijednosti, kao i datumima. Komisija za javne nabavke je analizom referenc liste utvrdila da vrste poslova koje je ponuđač realizovao i naveo u svojoj referenc listi ne odgovaraju predmetu nabavke. Dalje, sa aspekta vrijednosti ugovora koje je ponuđač realizovao, isti također ne odgovaraju vrijednosti predmetne nabavke.

Ugovorni organ je tačkom 7.4.2 Tenderske dokumentacije za nabavku izvoda matičnih knjiga, obrazaca izvoda iz matičnih knjiga, uvjerenja o državljanstvu i vjenčanih listova – „Ocjena tehničke i profesionalne sposobnosti ponuđača će se izvršiti na osnovu slijedećih dokaza:

- b) Isporuke dobavljača u pružanju visokokvalitetnih usluga u oblasti štampe zaštićenih dokumenata za najmanje tri ista ili slična posla ponuđači će dokazati slijedećim:
 - Referenc lista o pružanju visokokvalitetne usluge u oblasti štampe zaštićenih dokumenata za najmanje tri ista ili slična posla sa ukupnim vrijednosnim iznosima, datumima i primaocima;“.

Ponuđač je u svojoj ponudi dostavio referenc listu u kojoj je naveo slijedeće vrste poslova: obrasci za međunarodni transport, tombolske kartice, poštanske marke, administrativne taksene marke.

Štampa navedenih proizvoda je štampa na papiru, koji može imati određenu zaštitu, ali nikako nisu predmet sigurnosne štampe. Navedeni proizvodi imaju protuvrijednost izvršene usluge, ali niti jedan od proizvoda iz referenc liste nema zaštitne elemente propisane tačkom 6. Tenderske dokumentacije:

Detaljan opis nabavke:

- Matična knjiga rođenih sa koricama izrađenim u žutoj boji – Obrazac broj 1;
- Matična knjiga državljana sa koricama izrađenim u plavoj boji – Obrazac broj 2 i 2B;
- Matična knjiga državljana sa koricama izrađenim u plavoj boji – Obrazac broj 2A;

- Matična knjiga vjenčanih sa koricama izrađenim u crvenoj boji – Obrazac broj 3;
- Matična knjiga umrlih sa koricama izrađenim u sivoj boji – Obrazac broj 4.

Obrasci matičnih knjiga trebaju biti uvezane (šivane) sigurnosnim koncem za šivanje knjiga, UV reaktivno. Knjižni blok treba biti bušen na dva mjesta i osiguran jamstvenikom. Tvrde korice moraju biti od sintetičkog materijala otpornog na grebanje i habanje. Na koricama treba otisnuti naziv knjige i ostale podatke (tehnika sito ili vrući tisak).

Matične knjige rođenih, vjenčanih i umrlih sadrže 200 listova, dok matična knjiga državljana s Obrascem broj 2 i 2B sastoji se od 150 listova sa sadržajem obrasca 2 i 50 listova sa sadržajem Obrasca 2B. Matična knjiga državljana sa Obrascem broj 2A sastoji se od 200 listova.

Listovi matičnih knjiga trebaju biti numerisani rednim brojevima i postavljeni na vertikalno orijentiranoj stranici formata A3, izrađeni od 100% čiste celuloze bez izbjeljivača i 110 gr papira koji sadrži: unikatni vodeni multitonski žig, kemijska zaštita protiv brisanja podataka, UV merilna vlakna u dvije boje nevidljiva golim okom a vidljiva pod UV svjetlom. Listovi matičnih knjiga se štampaju dvostrano. Jedna stranica lista matične knjige rođenih, matične knjige državljana i matične knjige vjenčanih predstavlja jedan obrazac predviđen za jedan upis. U matičnoj knjizi umrlih jedna stranica predstavlja dva obrasca predviđena za dva upisa.

Ponudač nema u referenc listi dokaz o proizvodnji niti jedne knjige koja zahtjeva uslove sigurnosne štampe.

Dalje, Tačkom 6. Tenderske dokumentacije je propisano slijedeće: UV merilna vlakna u dvije boje nevidljiva golim okom a vidljiva pod UV svjetlom. Na obrascu treba biti postavljena unikatna pozicionirana hologramska markica sa karakteristikama: multitonska srebrene boje 2D/3D, 20 mm promjera okruglog oblika (vrući tisak, hot stamping), kinetičke (guiloché) linije 30 mikrona, linearni rotacijski kinetički efekt, akromatske difrakcijske leće, kinetički mikrotekst od 75 i 150 mikrona, nereflektirajući mikrotekst od 75 mikrona, nanotekst 4,5,20 i 40 mikrona, mikrografska mapa 120x100 mikrona.

Usluga štampanja odnosi se na: offset štampa Guiloch zaštite u jednoj pantone boji, tekstualni dio u crnoj boji, UV zaštita nevidljiva golim okom a vidljiva pod UV svjetlom, IR zaštita nevidljiva golim okom a vidljiva isključivo pod IR svjetlom, zaštita mikro štampom.

Ponudač nema u referenc listi dokaz o proizvodnji niti jednog obrasca sa pozicioniranim hologramom, ili bilo kojom drugom vrstom holograma, a što je propisano uslovima Tenderske dokumentacije, kao niti ispunjava druge gore navedene parametre koje zahtjevaju uslovi sigurnosne štampe, a koje je ovaj Ugovorni organ kao takve propisao.

Sa vrijednosnog aspekta, ponudač „BLIC DRUK“ d.o.o. Sarajevo također ne ispunjava uslove navedene Tenderskom dokumentacijom. Istom je propisano da referenc lista mora da sadrži tri ista ili slična posla. Vrijednost ponude iznosi cca 850.000,00 KM, što znači da je vrijedost ugovora na godišnjoj razini cca 280.000,00 KM. Dakle, ponudač je u referenc listi trebao dostaviti vrijednost tri ista ili slična ugovora, što nije ispunjeno.

Analizom formalno prihvatljivih ponuda Komisija je Zapisnikom o ocjeni ponuda koji se dostavlja kao prilog ovoj Odluci, broj: 5-1-05-1-343/14-18 od 23.01.2019. godine utvrdila rang listu ponuda prema kriterijima za izbor ponude kako slijedi:

1. GRAFOTISAK d.o.o. Grude sa 100,00 bodova

Izabrani ponuđač GRAFOTISAK d.o.o. Grude je izabran primjenjujući kriterij ekonomski najpovoljnije ponude, te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

DOSTAVITI:

- Svim učesnicima postupka nabavke,
- Komisiji za javne nabavke,
- a/a.

DIREKTOR
Dragan Prusina